

ԳՈՐԾԱԴԻՐ

ՎԱՐՉԱՊԵՏ ԻՐԱԿԻ ԿՈՔԱՄԻՏԵԻ ՉԼԻՏԱՎՈՐԱԾ ՆՈՐ ԿԱՌԱՎԱՐՈՒԹՅՈՒՆԸ ՁԵՌՆԱՄՈՒՄ ԵՂԱՎ ՊԱՐՏԱԿԱՆՈՒԹՅՈՒՆՆԵՐԻ ԿԱՏԱՐՄԱՆԸ

Փետրվարի 12-ին, Վրաստանի նոր վարչապետ, 45-ամյա Իրակլի Կոբախիձեն, իր նոր պաշտոնում հրավիրեց Վրաստանի կառավարության առաջին նիստը, որտեղ հայտարարեց գործադիր իշխանությունում կադրային նոր նշանակումների մասին:

Վարչապետի հայտարարությանը առաջին փոխվարչապետ Եզանակվել Էկոնոմիկայի եւ կայուն զարգացման նախարար Լեւան Դավիթաշվիլին: Փոխվարչապետ



տեր են նշանակվել Մշակույթի եւ Պաշտպանության նախարար Դավիթ Թուլուկիանին

(Շարունակությունը՝ 2-րդ էջում)

ԻՐԱԿԻ ԿՈՔԱՄԻՏԵ. «ՄԵՐ ԵՐԿԻՐԸ ԿԱՆԳՆԱԾ Է ՄԱՐՏԱՅՐԱՎԵՐՆԵՐԻ ԱՌԱՋ, ՄԵՆՔ ՊԵՏՔ Է ԱՎԱՐՏԻՆ ՀԱՍՑՆԵՆՔ ՍԿԱԾ ՆԱԽԱԳԾԵՐԸ...»

Փետրվարի 12-ին, Վրաստանի վարչապետ Իրակլի Կոբախիձեն նախագահությամբ, անցկացվեց երկրի նորանշանակ կառավարության անդրանիկ նիստը:

Նիստի մեկնարկին Իրակլի Կոբախիձեն, կանխագծելով կառավարության գործունեության առաջնահերթային ուղղությունները, նշեց, որ երկիրը կանգնած է մարտահրավերների առաջ եւ պետք է ավարտին հասցնել սկսած նախագծերը, է՛լ ավելի ամրապնդել անվտանգության եւ արտաքին քաղաքական դիրքերը, իսկ առավելագույն արդյունքի հասնելու համար, անհրաժեշտ է, որ կառավարության գործունեությունը հիմնված լինի շատ ամուր սկզբունքների վրա:

- Ընդհանուր առմամբ, մեր երկիրը կանգնած է մարտահրավերների առաջ: Պետք է տնտեսության արագ զարգացում, խոշոր ենթակառուցվածքային ծրագրերի ավարտ, երկրի պաշտպանունակության, անվտանգության հետագա իզու



րացում, ինչպես նաեւ կրթության, առողջապահության, սոցիալական համակարգերի, մշակույթի, (Շարունակությունը՝ 2-րդ էջում)

ԸՆՏՐՈՒԹՅՈՒՆՆԵՐԻՆ ԸՆԴԱՌԱՋ

ԻՐԱԿԻ ՂԱՐԻՔԱՇՎԻՆ. «ՄԵՐ ՆՊԱՏԱԿՆ Է ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐԻ ԱՐԴՅՈՒՆՔՈՒՄ ՍՏԱՆԱԼ 113 ՄԱՆԴԱՏ, ՈՒՆԵՆԱԼ ՍԱՀՄԱՆԱԴՐԱԿԱՆ ՄԵԾԱՄԱՍՆՈՒԹՅՈՒՆ»

«Վրացական երազանք-ժողովրդավարական Վրաստան» կուսակցության նախագահ Իրակլի Դարիբաշվիլին, այդ պաշտոնում ընտրվելուց հետո, առաջին անգամ, փետրվարի 15-ին ճեպասուլիս հրավիրեց՝ խորհրդարանական առաջիկա ընտրությունների նախապատրաստական հարցերի շուրջ:

- Ինչպես գիտեք, այսօր ես իմ առաջին ճեպագրույցն եմ անցկացնում՝ որպես կուսակցության նախագահ, եւ ուզում եմ ձեզ եւ հանրությանը տեղեկացնել իմ ծրագրերի մասին: Մարտ ամսից նախատեսվում են առաջիկա 100 օրվա ընթացքում այցելել տասը մարզ: Նպատակն իրականում լինելու է նախընտրական քարոզարշավի նախապատրաստումը, ընտրությունների նախապատրաստությունը, մեր կուսակցու

թյունը պետք է պատրաստվի ընտրություններին: Ինչպես գիտեք, մեր հռչակած նպատակը այս ընտրություններում առավելագույն արդյունք ստանալն է: Կրկնեն մեր նպատակը՝ հաջորդ խորհրդարանական ընտրություններում սահմանադրական մեծամասնություն ստանալն է, հայտարարեց «Վրացական երազանքի» նախագահը:



(Խորհրդարանի շարունակությունը՝ 4-րդ էջում)

ՎՐԱՍՏԱՆ - ՀԱՅԱՍՏԱՆ

ՆԻԿՈԼ ՓԱՇԻՆՅԱՆԻ ՇՆՈՐՀԱՎՈՐԱԿԱՆ ՈՒՂԵՐՁԸ ԻՐԱԿԻ ԿՈՔԱՄԻՏԵԻՆ

Հայաստանի վարչապետ Նիկոլ Փաշինյանը շնորհավորական ուղերձ է հղել Իրակլի Կոբախիձեին՝ կառավարության ղեկավարի պաշտոնը ստանձնելու առիթով: Ուղերձում նշված է.



«Ջերմորեն շնորհավորում եմ Վրաստանի կառավարության ղեկավարի պաշտոնը ստանձնելու կապակցությամբ եւ հաջողություններ մաղթում կարգավոր եւ պատասխանատու աշխատանքի»:



առաքելությունը ի շահ Վրաստանի եւ վրացի ժողովրդի ծառայեցնելու գործում:

Բարեկամ Վրաստանի հետ բազմուղիորտ համագործակցության զարգացումն ու խորացումը Հայաստանի կառավարության արտաքին քաղաքականության առաջնահերթություններից է:

Հավատացած եմ, որ Հայաստանի եւ Վրաստանի միջեւ ռազմավարական գործընկերության հաստատումը նոր հորիզոններ է բացահայտելու բոլոր ոլորտներում երկկողմ գործակցությունն առավել ընդլայնելու համար:

Վերահաստատում եմ Հայաստանի կառավարության եւ անձամբ իմ պատրաստակամությունը սերտորեն համագործակցել Ձեր ղեկավարած կառավարության հետ՝ ի բարօրություն մեր երկրների եւ եղբայրական ժողովուրդների»:

ԵՐԵՎԱՆՈՒՄ ԿԿԱՅԱՆԱ ՎՐԱՍՏԱՆԻ ԵՎ ՀԱՅԱՍՏԱՆԻ ԽՈՐՀՐԴԱՐԱՆՆԵՐԻ ՄԵԾԱԿՈՒՅԹԻ ԿՈՄԻՏԵՆԵՐԻ ՀԱՄԱՏԵՂ ՆԻՍՏ

Արաբական Միացյալ Էմիրությունների այցի շրջանակում՝ Հայաստանի կրթության, գիտության, մշակույթի եւ սպորտի նախարար Ժաննա Անդրեասյանը՝ հանդիպում ունեցավ Համաշխարհային կառավարական գագաթաժողովի շրջանակում ԱՄԷ-ում գտնվող Վրաստանի խորհրդարանի մշակույթի կոմիտեի նախագահ Էլիսա Բոլքվաձեի հետ:



Հանդիպմանը կողմերը քննարկել են համատեղ ծրագրերի իրականացման հնարավորությունը: Նշվել է, որ 2024 թ. մայիսին Երեւանում նախատեսվում է Հայաստանի Ազգային ժողովի գիտության, կրթության, մշակույթի, երիտասարդության եւ սպորտի մշտական հանձնաժողովի եւ Վրաստանի խորհրդարանի մշա

կույթի կոմիտեի համատեղ միստը, որի ընթացքում կազմակերպվել համերգային ծրագիր «Արամ Խաչատրյան» համերգասրահում՝ Բոլքվաձեի կատարմամբ: Անդրադարձ է կատարվել նաեւ, Ս.Փառաշանովի հոբելյանի շրջանակում, կինոյի ոլորտում համատեղ կինոփառատոն կազմակերպելու հարցին:

ԹԲԻԼԻՍԻՈՒՄ ՆՇՎԵՅ ՀԱՅՈՑ ԲԱՆԱԿԻ ՕՐԸ

Փետրվարի 12-ին Վրաստանում Հայաստանի դեսպանության կողմից կազմակերպվեց պաշտոնական ընդունելություն՝ նվիրված Հայաստանի զինված ուժերի կազմավորման 32-րդ տարեդարձին:

Միջոցառմանը, որին ներկա էին Վրաստանում հավատարմագրված դեսպանությունների ռազմական կցորդները, ելույթ ունեցան Վրաստանում Հայաստանի արտակարգ եւ լիազոր դեսպան Աշոտ Սմբատյանը, Վրաստանի պաշտպանության բանակի հրամանատարի տեղակալ, բրիգադի գեներալ Իրակլի Գիծինաձեն, Վրաստանում Հա



յաստանի դեսպանության ռազմական կցորդ, գեներալ Մեսրոպ Նազարյանը:

ԳՈՐԾԱԴԻՐ

ՎԱՐՉԱՊԵՏ ԻՐԱԿԼԻ ԿՈՐԱՄԻՏԵԻ ԳԼԽԱՎՈՐԱԾ ՆՈՐ ԿԱՌԱՎԱՐՈՒԹՅՈՒՆԸ ԶԵՌՆԱՄՈՒՄ ԵՂԱՎ ՊԱՐՏԱԿԱՆՈՒԹՅՈՒՆՆԵՐԻ ԿԱՏԱՐՄԱՆԸ

(Սկիզբը՝ 1-ին էջում)

Իրակլի Չիքովանին:

Նշենք, որ Լեւան Դավիթբաշվիլին եւ Թեա Օնուկիանին փոխարկապետի պաշտոնում, արդեն ներկայացված էին նախկին վարչապետ Իրակլի Դարիբաշվիլու գլխավորած կառավարությունում:

Այսպիսով, Իրակլի Կորբախիձեի գլխավորած նախարարների կաբինետի անդամներն են Վրաստանի առաջին փոխվարչապետ, Էկոնոմիկայի եւ կայուն զարգացման նախարար Լեւան Դավիթբաշվիլին, Վրաստանի փոխվարչապետ, Մշակույթի եւ սպորտի նախարար Թեա Օնուկիանին, փոխվարչապետ, Պաշտպանության նախարար Իրակլի Չիքովանին, Ար-

տաքին գործերի նախարար Իլիա Դարչիաշվիլին, Ֆինանսների նախարար Լաշա Խուցիշվիլին, Տարածաշրջանային զարգացման եւ ենթակառուցվածքի նախարար Իրակլի Քարսեթիան, Արդարադատության նախարար Ռատի Բրեգվաձե, Ներքին գործերի նախարար Վախթանգ Գոմելաուրին, Բնապահպանության եւ գյուղատնտեսության նախարար Օթար Շանուգիան, Կրթության, գիտության եւ երիտասարդության նախարար Գիորգի Ամիլախվարին, Վրաստանի բռնազավթված տարածքներից բռնի տեղահանվածների, աշխատանքի, առողջապահության եւ սոցիալական պաշտպանության նախարար Զուրաբ Ագարաշվիլին ու Հաշտեցման եւ քաղաքացիական իրավահավասարության հարցերով պետնախարար Թեա Ախվիլեդիանին:

ԻՐԱԿԼԻ ԿՈՐԱՄԻՏԵ. «ՄԵՐ ԵՐԿԻՐԸ ԿԱՆԳՆԱԾ Է ՄԱՐՏԱՅՐԱՎԵՐՆԵՐԻ ԱՌԱՋ, ՄԵՆՔ ՊԵՏՔ Է ԱՎԱՐՏԻՆ ՀԱՍՑՆԵՆՔ ՍԿՍԱԾ ՆԱԽԱԳԾԵՐԸ...»

(Սկիզբը՝ 1-ին էջում)

սպորտի, երիտասարդության նկատմամբ հոգատարություն: Բնականաբար, անհրաժեշտ է նաեւ ամրապնդել մեր երկրի արտաքին քաղաքական դիրքերը: Առավելագույն արդյունքի հասնելու համար՝ մեր գործունեությունը, կառավարության գործունեությունը պետք է հիմնված լինի շատ ամուր սկզբունքների վրա: Առաջին հերթին, ես կարծում եմ, որ Վրաստանի կառավարությունը պետք է օրինակ ծառայի բոլորին՝ թափանցիկության

եւ հաշվետվողականության առումով, հայտարարեց Իրակլի Կորբախիձեն:

- Մեր յուրաքանչյուր որոշում պետք է հնարավորինս բաց լինի քաղաքացիների համար, եւ մենք նույնը պահանջում ենք բոլոր պետական գերատեսչություններից: Մշտապես պետք է հոգ տանել նաեւ մեր կատարած աշխատանքի որակի բարձրացման ուղղությամբ: Մենք պետք է ուժեղացնենք որակի վերահսկման եւ վերահսկողության բոլոր մեխանիզմները՝ թերությունները նվազագույնի հասցնելու համար: Նույնը վե-

րաբերում է հանրային ծառայությունների որակին: Այստեղ նույնպես պետք է նվազագույնի հասցնենք քաղաքացիների դժգոհությունները ծառայությունների որակի վերաբերյալ: Ընդհանուր առմամբ, բոլոր թեմաների վերաբերյալ որոշումները պետք է կայացվեն հասարակության, մասնագետների, ոլորտի ներկայացուցիչների հետ լայն խորհրդակցությունների հիման վրա: Սա պետք է լինի մեր գործունեության առաջնորդ սկզբունքներից մեկը, - ընդգծեց Իրակլի Կորբախիձեն:

ԽՈՐՀՐԴԱՐԱՆ

ՓՈՓՈԽՈՒԹՅՈՒՆՆԵՐ «ԸՆՏԱՆԻ ԿԵՆՂԱՆԻՆԵՐԻ ՄԱՍԻՆ» ՕՐԵՆՔՈՒՄ



Փետրվարի 15-ին Վրաստանի խորհրդարանի նախագահ Շավա Պապուաշվիլին անցկացրեց Վրաստանի խորհրդարանի կողմից ձայների մեծամասնությամբ ընդունված, խորհրդարանական մեծամասնության նախաձեռնած «Ընտանի կենդանիների մասին» օրենքում իրականացված փոփոխությունների շնորհանդեսը:

Շնորհանդեսին Շավա Պապուաշվիլին ներկայացրեց վերոնշյալ օրենքում իրականացված փոփոխությունների բովանդակությունը:

Նրա խոսքով, ըստ հավանության արժանացած փոփոխությունների, ընտանի կենդանիների բերելը որոշակի հասարա-

կական վայրեր կհանգեցնի տուգանքների՝ հաստատության սեփականատիրոջ կամ սեփականատիրոջ համար:

Փոփոխությունների համաձայն, կենդանիների (շներ, կատուներ) բուծումը կթույլատրվի միայն օրենքով սահմանված կարգով լիազորված հաստատություններում:

Փոփոխություններով, բնակարանատերերին պատկանող հողամասի դեպքում, կթույլատրվի կենդանու կապել բնակարանատերերի մեծամասնության համաձայնությամբ:

ՍԱՀՄԱՆԱԴՐՈՒԹՅԱՆ ԵՎՄ ՄԵԿ ԽԱՆՏՈՒՄ

ՍԱԼՈՍԵ ԶՈՒՐԱԲԻՇՎԻԼԻՆ, ԱՌԱՆՑ ԿԱՌԱՎԱՐՈՒԹՅԱՆ ՀԱՎԱՆՈՒԹՅԱՆ, ՄԱՍՆԱԿՑԵՑ ՄՅՈՒՆԻՏԵՆԻ ՀԱՄԱԺՈՂՈՎԻՆ ՄԻՋԱԳԱՅԻՆ ՀԱՄԱԺՈՂՈՎԻՆ ՎՐԱՍՏԱՆԸ ՆԵՐԿԱՅԱՑՎԵՑ ԵՐԿՈՒ ՊԱՏՎԻՐԱԿՈՒԹՅՈՒՆՆԵՐՈՎ

Վրաստանի նախագահ Սալոմե Զուրաբիշվիլին, ով ստացել էր փետրվարի 16-18-ին, Մյունխենում Անվտանգության ամենամյա համաժողովին մասնակցելու պաշտոնական հրավեր, մեկնեց Մյունխեն:

Ինչպես հայտնեցին Վրաստանի կառավարության վարչակազմից, նախագահը չի դիմել կառավարությանը՝ Մյունխենի համաժողովին մասնակցելու հավանություն ստանալու համար:

Կառավարության վարչակազմից հայտնեցին նաեւ, որ Անվտանգության համաժողովին նորանշանակ վարչապետ Իրակլի Կորբախիձեն չի մասնակցի: Նա իր առաջին

պաշտոնական այցը կկատարի Եվրոպայի քաղաքական մայրաքաղաք Բրյուսել: Մյունխենի համաժողովում Վրաստանի կառավարությունը կներկայացվի արտաքին գործերի նախարարության մակարդակով:

Առանց կառավարության հավանության միջազգային համաժողովին Վրաստանի նախագահի մասնակցությունը գնահատվում է՝ որպես սահմանադրու-

թյան հերթական խախտում:

Նշենք, որ 2023 թվականին իշխող «Վրացական երազանքը» երկրի նախագահի իմփիչմենթի ընթացակարգ էր սկսել: Սահմանադրական դատարանը համարել է, որ նախագահը խախտել է սահմանադրությունը՝ այցելելով արտերկիր, քանի որ դրա համար չի ունեցել կառավարության համաձայնությունը: Նախագահի իմփիչմենթը, սակայն, ձախողվեց. խորհրդարանական մեծամասնությունը չկարողացավ հավաքել անհրաժեշտ թվով ձայներ (100 ձայն):



ԱՄՆ

ՄԵՆԱՍԸ ՀԱՎԱՆՈՒԹՅՈՒՆ ՏՎԵՑ ՈՒԿՐԱԻՆԱՅԻ ՕԳՆՈՒԹՅԱՆ ՓԱԹԵԹԻՆ

ԱՄՆ Սենատը հավանություն է տվել Ուկրաինային, Իսրայելին եւ Թայվանին 95 միլիարդ դոլարի ֆինանսական օգնության փաթեթին:

Փաթեթին աջակցել է 70 սենատոր, այդ թվում՝ 22 հանրապետական: Այժմ օրինագիծը կուղարկվի Ներկայացուցիչների պալատ:

Օրենքի նախագիծը նախատեսում է 60 միլիարդ դոլար հատկացնել Ուկրաինային, 14 միլիարդ դոլար՝ Իսրայելի անվտանգության ֆինանսավորմանը, 9 միլիարդ դոլար՝ Գազայի հատվածին՝ Հորդանան գետի արեւմտյան ափին հունանիտար օգնության համար, իսկ 4,8 միլիարդ դոլար՝ հնդկադաշտային տարածաշրջանի դաշնակիցների աջակցությանը, մասնավորապես՝ Թայվանին:

ՆԱՏՕ

«ԱԳՐԵՍԻՎՆ ԿԱՐՈՂ Է ՏԱՐԱԾՎԵԼ ԱՅԼ ԵՐԿՐՆԵՐԻ ՎՐԱ»

ՆԱՏՕ-ի գլխավոր քարտուղար Յենս Ստոլտենբերգի համոզմամբ, եթե Ռուսաստանը հաղթի Ուկրաինային, ապա, հնարավոր է, նրա ագրեսիան տարածվի այլ երկրների վրա: Նրա խոսքով, այլապես անդամները ակտիվորեն պետք է նախապատրաստվեն հնարավոր առձակատման համար:

Այլապես գլխավոր քարտուղարի խոսքով, ՆԱՏՕ-ի եվրոպական երկրները եւ Կանադան, 2014 թվականից ի վեր, 600 մլրդ դոլարով ավելացրել են իրենց ռազմական ծախսերը:

- Անցյալ տարի մենք տեսանք աննախադեպ՝ 11 տոկոսի աճ եվրոպական դաշնակիցների եւ Կանադայի կողմից: Ես ակնկալում եմ, որ այս տարի 18 դաշնակիցներ պաշտպանության վրա կծախսեն իրենց ՀՆԱ-ի 2 տոկոսը: Դա եւս մեկ ռեկորդ է, - ասաց նա:

ՀՈՒՆԱՐԻԱ

ՊԱՇՏՈՆԱԹՈՂՈՒԹՅՈՒՆ՝ ԲԱՆՏԱՐԿՅԱԼԻՆ ՆԵՐՈՒՄ ԵՆՈՐՅԵԼՈՒ ՀԱՄԱՐ

Հունգարիայի նախագահ Կատալին Նովակը պաշտոնաթող է եղել: Մի քանի օր առաջ՝ Նովակը ներում էր շնորհել մանկատանը տեղի ունեցած սեռական բռնության քողարկման համար դատապարտված անձի, ինչն էլ հանգեցրեց զանգվածային բողոքի: «Սխալվեցի... Այսօր վերջին օրն է, երբ ձեզ եմ դիմում նախագահի կարգավիճակով», - իր հեռուստատեսային ելույթում հայտարարեց Նովակը:

Նշենք, որ Բուդապեշտում, նախագահի պաշտոնաթողության պահանջով, անցկացվեց բողոքի ցույց, որին մասնակցում էին հազարավոր մարդիկ:

ՈԱԶՄԱՎԱՐԱԿԱՆ ԳՈՐԾԸՆԿԵՐՈՒԹՅՈՒՆ



ՎԱԽԹԱՆԳ ՄԱԻՍԱԻԱ. «ՀԱՅԱՍՏԱՆԸ ՃԱՆԿԱՆՈՒՄ Է, ՈՐ ՎՐԱՍՏԱՆԸ ԴԱՌՆԱ ԵՎՐԱՄԻՈՒԹՅԱՆ ԱՆԴԱՄԱԿՑՎԵԼՈՒ ԻՐ ԼՈԿՈՄՈՏԻՎԸ»

Ռազմական փորձագետ Վախթանգ Մաիսաիան, մեկնաբանելով Վրաստան-Հայաստան ռազմավարական համագործակցության համաձայնագրի ստորագրումը, հայտարարեց, որ Հայաստանի վարչապետի համոզմամբ, Եվրամիության թեկնածուի կարգավիճակի շնորհումը Վրաստանին նշանակալիորեն փոխեց իրավիճակը տարածաշրջանում:

- Հայաստանը ցանկանում է, որ Վրաստանը դառնա Եվրամիությանն անդամակցվելու եւ արեւմտամետ արտաքին քաղաքականության կրուսի հաստատման իր լոկոմոտիվը, - ընդգծեց փորձագետը՝ հավելելով, որ Հայաստանը իր արտաքին վեկտորն ուղղել է Արեւմուտքի կողմը եւ այդ առումով էլ Վրաստանի հետ հարաբերությունները նրա համար արտակարգ նշանակալի են:

- Բնականաբար, դա կանդորադառնա ողջ տարածաշր-

ջանի վրա: Արդեն ակնհայտ են Եվրամիության շահերը Հարավային Կովկասի ուղղությամբ: Ներկա դրությամբ՝ Արբերջանի եւ Հայաստանի միջեւ փաստորեն սկսվել է սառը պատերազմ, եւ դա էլ կարելի է համարել նշանակալի փաստ, - նշեց ռազմական փորձագետը եւ հավելեց, որ Հայաստանն ակնհայտ շրջում է իր արտաքին քաղաքական վեկտորը Հյուսիսից Արեւմուտք, քանի որ Լեռնային Ղարաբաղի ռազմական անվտանգության այլընտրանքի վերացումից հետո, նրա ձեռքերն ազատ են, ինչն

էլ թույլ է տալիս փոխել կողմնորոշումը:

- Նույնիսկ այն ժամանակ, երբ Հայաստանում իշխանության գլուխ ռուսամետ, դարաբաղյան խմբավորումն էր, հանձինս Սարգսյան-Քոչարյան խմբի, այն ժամանակ էլ Եվրամիության ուղղությամբ որոշակի քայլեր էին արվում: Այն ժամանակ, երբ մենք Եվրամիության հետ ստորագրում էինք ասոցացման համաձայնագիրը, Հայաստանն էլ փորձեց դա անել, թեպետ Ռուսաստանն արգելեց եւ արդյունքում ընդունվեց անցումային փաստաթուղթ: Հիմա իրավիճակը փոխվել է, եւ Փաշինյանը գտնում է, որ Վրաստանի հետ ռազմավարական գործընկերությունը հենց այդ առումով էլ կարելի է ներկայացնել: Հայաստանը ցանկանում է, որ Վրաստանը դառնա Եվրամիությանն անդամակցվելու իր լոկոմոտիվը, - հայտարարեց Վախթանգ Մաիսաիան:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՏԱՐԱԾԱՆԵՐԱՆ

ԱՄԱՔԱՔԱՔԻ. ԽՈՐՀՐԴԱՏՎԱԿԱՆ ՀԱՆԴԻՊՈՒՄՆԵՐ՝
«ԱՅԱԿՅՈՒԹՅՈՒՆ ԳՅՈՒԴԻՆ» ԾՐԱԳՐԻ
ՇՐՋԱՆԱԿՆԵՐՈՒՄ



Ախալքալաքի մունիցիպալիտետի գյուղերում, «Աջակցություն գյուղին» ծրագրի շրջանակներում, ակտիվորեն շարունակվում են ընդհանուր խորհրդատվական համընդհանրությունները:

Այս անգամ հանդիպումներ անցկացվեցին մունիցիպալիտետի Տուրքիսի, Ղադուլարի, Լոմատուրցի, Բուռնաշեթի, Ազավրեթի, Բոզալի, Մյասնիկյանի, Սուլդա, Ղադեշ, Աբուլ, Կարտիկամ, Կուլիկամ, Բուզավետ, Խուլզումո, Գոգաշեն, Ափնիա, Բարալեթ, Մերենիա, Սամսար, Խոսպիո, Մարտունի, Դոկամի, Քարցեթի, Ազմանա, Կումբուրդո, Կիրովական, Զակվի, Գոման, Օլավերդ, Բուղաշեն, Բալխո, Տրկնա գյուղերում:

Ախալքալաքի փոխքաղաքապետ Թեյմուրազ Մեդելիձեի եւ տեղական ինքնակառավարման մարմինների ներկայացուցիչների մասնակցությամբ հանդիպումների ժամանակ, տեղի բնակչությունը, ծայրերի մեծամասնությամբ, ընտրում է գյուղի համար առաջնահերթ նախագծեր:

ԱՄԱՔԱՔԱՔԻՈՒՄ ՍՐԴԵՆ ԵՐԿՈՒ ԱՄԻՍ Է,
ԻՆՉ ԳՈՐԾՈՒՄ Է ԴԻԱԼԻՉԻ ԾՐԱԳԻՐԸ

Ախալքալաքիում եւ Վրաստանի մի շարք այլ մունիցիպալիտետներում մեկնարկել է դիալիզի ծրագիրը:

Նշենք, որ ընթացիկ տարում երկրում բացվել է դիալիզի սպասարկման 10 կենտրոն եւ ներկա դրությամբ 49 քաղաքային ստորաբաժանումների դիալիզի կենտրոնները օրական սպասարկում են 2600 հիվանդի: Ծրագրի ընդլայնման մասին Առողջապահության նախարարությունը հայտարարել էր 2022 թվականի ապրիլին:

ՈԼՈՐՏ

4,1 ՄԻԼԻԱՐԴ ԴՈԼԱՐ ՌԵԿՈՐԴԱՅԻՆ ԵԿԱՄՈՒՏ՝ ԶԲՈՍԱՇՐՋՈՒԹՅՈՒՆԻՉ

ՄԻՋԱԶԳԱՅԻՆ ԶԲՈՍԱՇՐՋԻԿՆԵՐԻ ԹՎՈՎ ՈՒՄԱՍԱՆԻՑ ԵՎ ԹՈՒՐԹԻԱՅԻՑ ԴԵՏՈ, ԵՐՐՈՐԴԸ ՀԱՅԱՍՏԱՆ Է

Միջազգային զբոսաշրջությունից Վրաստանի եկամուտներն անցյալ տարի հասել են ռեկորդային՝ 4,1 միլիարդ դոլարի, ինչը 17,3 տոկոսով գերազանցում է 2022թ. տվյալները:

Վրաստանի զբոսաշրջության ազգային վարչակազմի տվյալներով՝ 2023 թվականին միջազգային զբոսաշրջությունից ստացված եկամուտը 26,2 տոկոսով (856,7 մլն դոլար) գերազանցել է 2019 թվականի (նախահամավարակային) մակարդակը, իսկ 2022 թվականի մակարդակը՝ 17,3 տոկոսով (608,7 մլն դոլար): Վրաստանը 4,1 մլրդ դոլարի ռեկորդային շահույթ է ստացել:

Գերատեսչությունը տեղեկացնում է նաեւ, որ անցյալ տարի, զբոսաշրջության նպատակով, Վրաստան են ժամանել 4 միլիոն 669 հազար 467 օտարերկրյա քաղաքացիներ, ինչը 27,8 տոկոսով գերազանցում է 2022 թ. տվյալները: Ընդհանուր առմամբ՝ անցյալ տարի Վրաստանի ոչ ռեզիդենտները երկիր են

այցելել ավելի քան 7 միլիոն անգամ: Այս ցուցանիշը մեկ տարվա ընթացքում աճել է 30,3 տոկոսով: 2023 թ. ամենաշատ ուղեւորությունները Վրաստան կատարել են Ռուսաստանի քաղաքացիները՝ ավելի քան 1,4 միլիոն, ինչը 30,5 տոկոսով ավելի է նախորդ տարվա ցուցանիշից: Երկրորդ տեղում Թուրքիայի քաղաքացիներն են (ավելի քան 1,3 մլն), որին հաջորդում են Հայաստանի քաղաքացիները (ավելի քան 962 հազար) եւ Իսրայելի քաղաքացիները (ավելի քան 217 հազար):

ՊԵՏԱԿԱՆ ՄՊԱՍԱՐԿՈՒՄՆԵՐ

ՎՐԱՍՏԱՆՈՒՄ 2024 ԹՎԱԿԱՆԻՆ ԱՐԴԵՆ
ԿԳՈՐԾԻ 130 ԱՐԴԱՐԱԴԱՏՈՒԹՅԱՆ ՏՈՒՆ

Արդարադատության պալատի նախագահ Լաշա Լոբջանիձեի հայտարարությամբ՝ Արդարադատության տան առաջնահերթ ուղղություններից է ենթակառուցային նախագծերի մշակումը, որի արդյունքում Արդարադատության տան մասնաճյուղերի թիվը 2023 թվականին հասել է 118-ի: 2024 թվականին Արդարադատության պալատների աշխարհագրական տարածքն ավելի կընդլայնվի եւ Վրաստանի ողջ տարածքում կգործի 130 Արդարադատության տուն:

Լաշա Լոբջանիձեի խոսքով՝ ենթակառուցային նախագծեր են իրականացվում Գլդանիում, Սագարեջոյում, շուտով կսկսվի երկրորդ մասնաճյուղի շինարարությունը Բաթումիում, մրցույթ կհայտարարվի Ռուսթավի մասնաճյուղի տարածքի ամբողջական վերանորոգման համար:

- Այս բոլոր մասնաճյուղերի բացումը կմեկնարկի ընթացիկ տարվա զարմանք եւ կշարունակվի քայլառքայի, իսկ շուտով երկրի յուրաքանչյուր քաղաքապետարանում կլինի Արդարա-

դատության տուն: Այս ամենը հնարավոր է դարձել Վրաստանի արդարադատության նախարար Ռատի Բրեգաձեի նախաձեռնությամբ եւ ղեկավարությամբ: Շատ շնորհակալ եմ նրան այս լայնածավալ աշակցության համար: 2013-2023 թվականներին Արդարադատության տան մասնաճյուղերի կառուցման վրա ծախսվել է ավելի քան 110 մլն լարի: Արդյունքում, Վրաստանի բնակչությունն այսօր անմախաղեպ հասանելիություն ունի պետական ծառայություններից,- նշեց Լաշա Լոբջանիձեն:

ՆԻՆՈՇՄԻՆԴԱՅԻ ՀԱՆԴԻՊՈՒՄ
ՔԱՂԱՔԱՊԵՏԱՐԱՆՈՒՄ



Նինոծմինդայի քաղաքապետ Անիվարդ Մոսոյանը հանդիպում ունեցավ տեսակների պահպանման «Նակրեսի» գիտահետազոտական կենտրոնի եւ Սամցխե-Ջավախեթի Մեդիա կենտրոնի ներկայացուցիչների հետ:

Հանդիպման նպատակն էր ծանոթանալ նախագծին, որի իրականացումը մեկնարկվելու է Նինոծմինդայում եւ ներառելու է Ջավախեթի լճերի վերականգնման պլանավորումը:

Ծրագրի նպատակային տարածքը ներառում է Խանչալիի լիճը: Այն նախատեսում է ինչպես էկոլոգիական, այնպես էլ հիդրոլոգիական ուսումնասիրություններ, ինչպես նաեւ խթանելու է էկոտուրիզմի զարգացումը տեղի համայնքի մասնակցությամբ:

Անիվարդ Մոսոյանը նշեց, որ նախագիծը մեծ նշանակություն կունենա բնական ռեսուրսների օգտագործման, լճի էկոլոգիական ուսումնասիրության եւ հետազոտության առումով եւ դա կնպաստի էկոտուրիզմի զարգացմանը, աշխատատեղերի բացմանը եւ էկոլոգիայի մաքուր գյուղմթերքի իրացմանն ու տարածմանը:

ԱՄԱՆՅԻՆԵ. ԳՅՈՒԱՅԻՆԵՐԸ

ԿԱՆԽԱԳԾԵՅԻՆ ԱՌԱՅՆԱՇՐՋՈՒԹՅՈՒՆՆԵՐԸ

Ախալցխիի մունիցիպալիտետի գյուղերում շարունակվում են հանդիպումները՝ «Աջակցություն գյուղին» ծրագրի շրջանակներում:

Փետրվարի 13-ին նման հանդիպում անցկացվեց Շղալքիլա, Ծիմուբանի, Աբաթխեւի, Զուլդա, Նադխեւի, Մեծ Պամաձ, Փոքր Պամաձ, Օրալիս եւ Ղուլալիս գյուղերում: Հանդիպմանը մասնակից Ախալցխիի մունիցիպա-

լիտետի փոխքաղաքապետ Վաժա Գաչեչիլաձեն, սակրեբուլոյի փոխնախագահներ Դավիթ Տաբատաձեն եւ Սաբա Կրիլաշվիլին, սակրեբուլոյի մյուս պատգամավորների հետ, ուշադրությամբ լսեցին տեղացիների պահանջները, կանխագծվեցին առաջնահերթությունները:

Նշենք, որ, վերոնշյալ ծրագրի շրջանակներում, Ախալցխիի մունիցիպալիտետը տարածաշրջաններում իրականացվող նախագծերի հիմնադրամից ստանալու է 612 հազար լարի, ինչը կավելացվի տեղական բյուջեից՝ այդ նպատակների իրականացման նախագծերի համար նախատեսված գումարին:

ՄԱՌՆԵՈՒԻ. ՀԱՂՈՒՄՅԱՆՈՎ ԱՆՅՆՈՂ ՀԱՆԱՊԱՐԶԻ
12 ԿՄ-ԱՆՈՉ ՀԱՏՎԱԾՔ ՎԵՐԱԿԱՆԳՆԵԼ Է

Վրաստանի Տարածաշրջանային զարգացման եւ ենթակառուցվածքների նախարարության ավտոճանապարհների ղեկարտամենտն ավարտել է հանրապետական նշանակության Շուլավերի-Շահումյանի-Սիոնի-Ծերաքվի ավտոճանապարհի 12 կմ երկարությամբ հատվածի վերականգնումը:

Ճանապարհների վարչության տեղեկատվության համաձայն՝ վերականգնված ճանապարհահատվածը գտնվում է Մառնեուլիի մունիցիպալիտետում՝ Շահումյան գյուղի եւ Ծերաքվիի միջեւ, այն սկսվում է Շահումյան գյուղից, անցնում Ակուլար եւ Սիոնի գյուղերով եւ ավարտվում Ծերաքվի գյուղի մոտ:

Ծրագիրը ֆինանսավորվել է պետբյուջեից եւ դրա արժեքը կազմել է ավելի քան 7,7 մլն լարի:

ՄԱՍՎԵԼ Է ԽՈԺՈՒՆԻ-ՄԱՌՆԵՈՒԻ ԵՐԹՈՒՂՈՎ
ՏՐԱՆՍՊՈՐՏԱՅԻՆ ԵՐԹԵՎԵԿՈՒԹՅՈՒՆԸ

Մառնեուլիի մունիցիպալիտետի Խոժոնի գյուղի հասարակական տրանսպորտի խնդիրը լուծվել է:

Ինչպես հայտարարեց Մառնեուլիի մունիցիպալիտետի սակրեբուլոյում Խոժոնի գյուղը ներկայացնող պատգամավոր Արսեն Հախվերդյանը՝ Խոժոնիում հասարակական տրանսպորտը գործարկվեց 2024 թվականի հունվարից եւ այժմ Խոժոնի-Մառնեուլի երթուղով երթեւեկում է օրական երկու անգամ:

Հատկանշական է, որ մինչ այժմ վերը նշված բնակավայրից տրանսպորտը աշխատում էր, բայց այն մասնավոր էր եւ Մառնեուլի էր երթեւեկում օրը մեկ անգամ, ինչը խնդիր էր ստեղծում կենտրոնում աշխատողների, ինչպես նաեւ աշակերտների/ուսանողների համար:

Ինչպես նշեց Արսեն Հախվերդյանը, ճիշտ է, հատկացված ավտոբուսը նոր չէ, բայց ինքը ջանքեր կգործադրի, որպեսզի մոտ ժամանակներում այն նորով փոխարինվի:

Պատրաստեց ԱՐԵՎԻԿԱ ՄԱՆՈՒԿՅԱՆԸ



ՄՊԱՆՈՒԹՅՈՒՆ
ԷԼԻԱՅԻ ԹԱՂԱՄԱՍՈՒՄ

Փետրվարի 11-ին, Էլիա թաղամասում, Սոմխեթի փողոցում, սպանվել է տեղի 50-ամյա բնակիչը:

Իրավապահներն արդեն վերցրել են դեպքի վայրում տեղադրված տեսախցիկների տվյալները եւ փորձում են մույնականացնել կասկածյալներին:

Սպանվածը նախկինում դատապարտված է եղել: Տեղացիների խոսքով՝ տղամարդը հրազենի վերքեր է ստացել կոկորդին եւ գլխին: Ժամանակին տեղ հասած շտապ օգնության մեքենան չի կարողացել փրկել նրան:

ՏԱՐԱԴՐԱՄԻ ՓՈԽԱՆԱԿՄԱՆ
ԿՈՒՐՍԸ

(16 փետրվարի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.6453
1 ԵՎՐՈ	2.8395
100 ՌՈՒԲԼԻ	2.8700
1000 ԴՐԱՄ	6.5556

ԸՆՏՐՈՒԹՅՈՒՆՆԵՐԻՆ ԸՆԴՈՒՄ

ԻՆՉ ՓՈՓՈԽՈՒԹՅՈՒՆՆԵՐ Ե ՆԱԽԱՏԵՍՈՒՄ ԸՆՏՐԱԿԱՆ ՕՐԵՆՍԴՐՈՒԹՅԱՆ ՓՈՓՈԽՈՒԹՅՈՒՆՆԵՐԻ ՆՈՐ ՓԱԹԵԹԸ

Վրաստանի խորհրդարանը բուռն քննարկումներից հետո՝ 81 կողմ եւ 7 դեմ ձայներով, երկրորդ ընթերցմամբ, ընդունեց Կենտրոնական ընտրական հանձնաժողովի նախագահի եւ, այսպես կոչված, պրոֆեսիոնալ անդամների ընտրության կարգում ծրագրված փոփոխությունը:

Կառավարող մեծամասնության սահմանադրական նախաձեռնությունը նախատեսում է Կենտրոնական ընտրական հանձնաժողովի նախագահի եւ, այսպես կոչված, պրոֆեսիոնալ անդամ ընտրության կարգի եւ քվորումի նոր փոփոխություն՝ ներդրվում է նրանց ընտրության գործընթացում ձայների 3/5 քվորումի կարգը:

Օրինաձևագիծը նախատեսում է ԿԸՀ-ի նախագահի եւ անդամների ընտրության եռափուլ գործընթաց: Առաջին փուլում քվեարկության համար անհրաժեշտ կլինի 90 ձայն: Եթե այդ 90 ձայնը չապահովվի, ապա երկրորդ փուլում հարցի լուծման համար կպահանջվի 76 ձայն: Կոնկրետ թեկնածուի համար 76 ձայնի աջակցությունը հնարավոր կլինի երկու անգամ եւ 76 ձայնով ընտրված թեկնածուն կստանա իրավասությունների իրականացման հնգամյա ժամկետի հնարավորություն:

Այն դեպքում, եթե ընտրության ժամանակ չապահովվի 76 աջակց ձայների առկայությունը, եւ խորհրդարանը քվեարկությունների արդյունքում չկարողանա ընտրել ԿԸՀ նախագահ, ապա հարցի կարգավորումը կփոխանցվի երկրի նախագահին: Մասնավորապես, վերոնշյալ փոփոխությունների համաձայն, քվեարկությունից մեկ շաբաթվա ընթացքում, նախագահին կփոխանցվեն մրցույթի մասնակիցների անձանց ցուցակը եւ մրցության փաստաթղթերը: Նախագահն իրավասու է ցուցակի եւ մրցության փաստաթղթերի ստացումից մեկ շաբաթվա ընթացքում՝ ցուցակում նշված թեկնածուների թվից հնգամյա ժամկետով նշանակել թեկնածու:

Միաժամանակ, ուժի մեջ են մնում ընտրական օրենսդրության եւ խորհրդարանի ընթացակարգում ներառված փոփոխությունները, ըստ որի՝ թեկնածուների ընտրական մրցույթը, նախագահի փոխարեն, հայտարարելու է խորհրդարանի նախագահը եւ ԿԸՀ-ի նախագահի ու ԿԸՀ անդամների թեկնածությունը ներկայացնելու է խորհրդարանի նախագահը: Բացի այդ, վերացվում է ԿԸՀ նախագահի այն տեղակալի պաշտոնը, ով նշանակվում է ԿԸՀ-ի կուսակցական ցուցակից, եւ ով ներկայացվում է ընդդիմության քվոտայից:



Մեկնաբանելով ընտրական օրենսդրությունում ներկայացված փոփոխությունները՝ Վրաստանի Կենտրոնական ընտրական հանձնաժողովի նախագահ **Գիորգի Կալանդարիշվիլին** հայտարարեց, որ փոփոխությունների փաթեթի ընդունման դեպքում, ընդդիմության քվոտայով հանձնաժողովի անդամները կունենան նույն ազդեցությունը, ինչ՝ նախկինում:

Օրենսդրական ի՞նչ տրամաբանությամբ կարելի է բացատրել այն, որ ընտրական վարչարարության կառավարումը փոխանցվի այնպիսի անձի, որը քաղաքականապես անկողմնակալ լինել չի կարող եւ գործում է միայն ու միայն ելնելով քաղաքական օրակարգից, - հայտարարեց



ՄԻՄՈՆ ԿԻԼԱՉԵ

Գիորգի Կալանդարիշվիլին:

Իր հերթին, Վրաստանի խորհրդարանի փոխնախագահ **Գիա Վոլսկին** նշեց, որ ԿԸՀ նախագահի ընտրությունը չպետք է կախված լինի ընդդիմության հետ համաձայնության անհրաժեշտությունից:

Ստացվում է, որ երբեք չենք կարողանա ընտրել ԿԸՀ նախագահ, եթե չհամաձայնեցնենք այն ընդդիմության հետ: Իսկ ընդդիմության հետ համաձայնությունը, ինչպես գիտեք, կարող է նշանակել՝ կամ կընտրվի մեր թեկնածուն, կամ ընդհանրապես ոչ ոք չի ընտրվի, - հայտարարեց Գիա Վոլսկին:

Նշենք, որ օրենսդրական փաթեթում ընդդիմության քվոտայով ԿԸՀ նախագահի տեղակալի պաշտոնի չեղարկումը, խիստ քննադատության ենթարկվեց ընդդիմության կողմից:

ՎՐԱՍՏԱՆԻ ԲՈՒՐՆ՝ ԿԱՅԱՑՄԱՆ ՀԱՐԹՈՒՂԻ

«ՀԱՄՈՎ-ՀՈՏՈՎ» ԹԲԻԼԻՍԻՆ ՄԵՉ ՏԱԼԻՍ Ե ԻՆՔՆԵՐՍ ՄԵՉ ԲԱՅԱՀԱՅՏԵԼՈՒ, ԱՐՇԵՍՏԱՎԱՐԺ ՄԱՍՆԱԳԵՏ ԶԵՎԱՎՈՐՎԵԼՈՒ ՀՆԱՐԱՎՈՐՈՒԹՅՈՒՆ»

Խորհրդային Միության ժամանակներից մոտավորապես միջև 2010 թվականները, Սամցխե-Ջավախեթի եւ Քվեմո Քարթլիի հայազգի երիտասարդները ուսումը շարունակում էին Հայաստանյան բարձրագույն ուսումնական հաստատություններում: Սակայն, երբ Վրաստանի իշխանության կողմից խստացվեց վրացերեն լեզվի պարտադիր իմացությունը եւ միջոցներ ստեղծվեցին այդ անձնի համար, ուսանողները կանգնեցին երկնտրամբի առջև, ու նրանցից շատերը այսօր արդեն ընտրում են ուսումը Թբիլիսիում շարունակելու հնարավորությունը՝ «1+4» ծրագրի շրջանակներում, որն ուսանողին հնարավորություն է տալիս մեկ տարի սովորել նախապատրաստական կուրսում, որի ընթացքում ուսանողը գրեթե սկսում է տիրապետել վրացերեն լեզվին եւ հետո ընդունվում է վրացական բուհի նախընտրած ֆակուլտետ՝ որպես առաջին կուրսեցի:

Չնայած նրան, որ Թբիլիսիում սովորելու ընթացքում ուսանողները ամենատարբեր մարտահրավերների առաջ են կանգնում, այդ թվում՝ վրաց լեզվի կատարելապես չիմացության, աղապատեցման եւ նոր շրջապատին հարմարվելու, ինչը հոգեբանորեն որոշ դժվարությունների հետ է կապված, բայցեւայնպես, չեն դադարում Վրաստանի ԲՈՒՐՆ-ում (այդպես ենք Վրաստանում կոչում Թբիլիսիի Իվանե Ջավախիշվիլու անվան պետական համալսարանը) սովորել եւ հաջողությամբ ավարտել: Նրանց թիվը տարեցտարի ավելանում է ու հատկապես վերջի տարիներին ավելի է շատացել ուսանողների հոսքը դեպի մայրաքաղաք Թբիլիսի, եւ այստեղ ներկայումս սովորում են մոտավորապես 1000-ից ավելի ուսանողներ՝ Վրաստանի տարբեր տարածաշրջաններից հայկական դպրոցներն ավարտելուց հետո:

Ախալքալաքի մունիցիպալիտետի ամենատարբեր գյուղերի ուսանողների հետ զրուցելիս՝ բոլորը միաձայն հաստատում են՝ եկել են Թբիլիսի վրացերեն լեզուն սովորելու, բարձրագույն կրթություն ստանալու եւ ավելի կատարելագործվելու համար: Ներկայացնում են ուսանողների հետ մեր զրույցներից փոքրիկ հատվածներ:

Մկրտիչ Արաքյանը Ախալքալաքի մունիցիպալիտետի Վարեան գյուղից է: Սովորում է Վրաստանի տեխնիկա-

կան համալսարանում: Մկրտիչը շեշտում է՝ Թբիլիսի գալու առաջնային նպատակը եղել է բարձրագույն կրթություն ստանալը, ինչը հաջողվում է նրան: Նրա կարծիքով՝ կարեւոր է պետական լեզուն իմանալ, բացի այդ՝ այստեղ սովորելու տարիներին նա կարողացել է ձեռք բերել մեծ շրջապատ: Նա հիմա, բացի ուսանող լինելուց, նաեւ սպասավոր է հայ կաթողիկե եկեղեցում եւ օգնում է Հայր Միքայել Խաչկալյանին պատրագի ժամանակ: Ապագայում Մկրտիչը ուզում է վերադառնալ հայրենի գյուղ եւ այնտեղ շարունակել իր կարիերան՝ արդեն որպես գործարար: Եթե հնարավորություն ունենա, ապա կբացի աշխատատեղեր, որպեսզի մարդկանց արտագաղթը քիչ լինի հայրենիքից:

Անուշ Գինոյանը Ախալքալաքի մունիցիպալիտետի Կարտիկան գյուղից է: Առաջին կուրսի ուսանողուհի է: Դեռ մանկուց սիրել է դեղագործությունը եւ հիմա սովորում է Իմեդի քոլեջի դեղագործական բաժանմունքում: Նա մայրաքաղաքում արդեն, ինչպես ինքն է ասում, ձեռք է բերել «մնայուն եւ հարուստ գիտելիքներ»:

Թբիլիսին իմ առջև բացեց իր լայն ու մեծ դռները, որոնց այն կողմում հետաքրքիր ուսանողական կյանք է սպասվում, եւ այստեղ սովորեցի ինքնուրույն ապրել, ամուր կանգնել ոտքերի վրա: Ես գիտակցում եմ, որ մի-

ՍՈՑԻԱԼԱԿԱՆ

ԿԱՆԽԱԳԾՈՒՄՆԵՐ. ՏԱՐԵԿԱՆ ՄԻՋԻՆ ԳՆԱՃԸ՝ 3,5 ՏՈԿՈՍ, ՏՆՏԵՍԱԿԱՆ ԱՃԸ՝ 5,4 ՏՈԿՈՍ

Վրաստանի ազգային վիճակագրական ծառայությունը հրապարակել է 2024 թվականի կանխագծումները:

Ըստ գերատեսչության հաղորդագրության 2024 թվականին Վրաստանում միջին տարեկան գնաճը սպասվում է 3,5 տոկոսի մակարդակով: Ակնկալվում է, որ դրամավարկային քաղաքականության դրույքաչափը, մինչեւ 2024 թվականի վերջ, աստիճանաբար կնվազի մինչեւ 8,5 տոկոս: Բազային սցենարով ակնկալվում է, որ Վրաստանի տնտեսությունը կաճի 5,4 տոկոսով:

Հունվարին գնաճի ձեւավորման վրա հիմնական ազդեցություն է ունեցել պարենային ապրանքների գների տարեկան 2,8 տոկոս նվազումը՝ ներմուծվող եւ խառը ապրանքների գների նվազմանը զուգահեռ:

Դրա հետ մեկտեղ, հունվարին հիմնական գնաճը, որը զամբյուրից բացառում է պարենի, էներգի-

այի եւ ծխախոտի գները, կազմել է 1,2 տոկոս, իսկ տեղական արտադրության ապրանքների գների աճի տեմպերը դանդաղել են մինչեւ 2,7 տոկոս՝ նախորդ ամսվա 3,6-ից: 2024 թվականի հունվարին տարեկան գնաճի ձեւավորման վրա էապես ազդել են հետեւյալ խմբերի գնային փոփոխությունները. սննդամթերք եւ ոչ ալկոհոլային խմիչքներ, առողջապահություն, տրանսպորտ, ալկոհոլային խմիչքներ, ծխախոտ, հյուրանոցներ եւ ռեստորաններ:

Նշենք, որ ներդրումային բանկի հիմնական կանխատեսման համաձայն, 2024 թվականին Վրաստանում ակնկալվում է 5,4 տոկոս տնտեսական աճ, մինչդեռ լավատեսական սցենարը կանխատեսում է 6,0 տոկոս:

ՎՐԱՍՏԱՆՈՒՄ ԳՐԱՆՑՎԱԾ Է 838,1 ՀԱՋԱՐ ԿԵՆՍԱԹՈՇԱԿԱՌՈՒ ԵՎ 181,9 ՀԱՋԱՐ ՍՈՑԻԱԼԱԿԱՆ ՆՊԱՍՏԱՌՈՒ

Վրաստանի ազգային վիճակագրական ծառայության տվյալներով, 2023 թվականին Վրաստանում կենսաթոշակ ստացողների թիվը կազմել է 838,1 հազար, որից 71,1 տոկոսը կին է, 28,9 տոկոսը՝ տղամարդ:



Կենսաթոշակ ստացողների 30,3 տոկոսը Թբիլիսիում է, 15,8 տոկոսը՝ Իմերեթիում, 10,5 տոկոսը՝ Սամեգրելո-Ջեմո Սվանեթիում, 10,0 տոկոսը՝ Քվեմո Քարթլիում, 8,7 տոկոսը՝ Կախեթիում, 24,8 տոկոսը՝ այլ շրջաններում:

Ինչ վերաբերում է սոցիալական աջակցություն ստացող (նպաստառու) քաղաքացիների թվին, ապա, վիճակագրական ծառայու-

թյան տվյալներով, Վրաստանում 2023 թվականին սոցիալական աջակցություն ստացողների թիվը հասել է 181 հազար 900-ի: Ընդ որում, սոցիալական աջակցություն ստացող քաղաքացիների մեծ մասը՝ 50 հազարը, գրանցված է Թբիլիսիում, 30 հազարը՝ Իմերեթիում, 21 հազարը՝ Աջարիայում, 17 հազարը՝ Սամեգրելո-Ջեմո Սվանեթիում:

ակ գեները, դա գիտելիքն է, որը մենք ձեռք ենք բերում սովորելու միջոցով, - ասում է Անուշը:

Մեզ հետ զրույցում Անուշը խոստովանեց, որ կցանկանար մնալ ու ապրել Թբիլիսիում, բայց միաժամանակ ասում է, որ իր մունիցիպալիտետում ավելի շատ է դիպլոմավոր դեղագործի կարիքը:

Միքայել Տեր-Անտոնյանը Նինոծմիդայի մունիցիպալիտետի Յեշտիա գյուղից է: Սովորում է Թբիլիսիի պետական բժշկական համալսարանում: Միքայելի խոսքով՝ իր ողջ գիտակից կյանքը ապրել եւ մեծացել է Վրաստանում եւ հետագա կյանքն էլ տեսնում է այստեղ: Ապագայում ուզում է դառնալ թերապեւտ-էնդոկրինոլոգ: Թբիլիսիում սովորելու տարիներին՝ զգալիորեն բարելավել է վրացերեն լեզվի իմացությունը եւ, նրա կարծիքով, այստեղ յուրաքանչյուր ուսանող ունի լավ հնարավորություն՝ կայանալու որպես անհատ:

Ինքս Թբիլիսի եմ եկել Ախալքալաքի մունիցիպալիտետի Ջակ գյուղից, ներկայումս ուսանողուհի եմ, սովորում եմ Թբիլիսիի պետական համալսարանի բժշկական ֆակուլտետում: Մայրաքաղաքը ինձ տալիս է ավելին, քան ես սպասում էի: Այստեղ, բացի համալսարանում սովորելուց, գտնում եմ ժամանակ եւ սովորում եմ երաժշտական դպրոցում, դաշմանուրի բաժնում: Նաեւ դասավանդում եմ Թբիլիսիի հայ կաթողիկե եկեղեցում՝ որպես հայոց լեզվի ուսուցչուհի: Հիմալիս, ինչպես ասում են՝ «համով ու հոտով» Թբիլիսիում, մեզ՝ տարածաշրջաններից եկած յուրաքանչյուր ուսանողիս, տրվում է լայն հնարավորություն՝ ինքնենք մեզ բացահայտելու եւ արհեստավարժ մասնագետ ձեւավորվելու:



ՎԱՐԴՈՒՅԻ ՄՂԱԲԱԼՅԱՆ